

撫州府志卷之十二

物產考

寒暑晝夜變乎物之性情形體雨風露雷化乎物之飛走艸木陰陽之理固然而其間亦有異有管然而今不然者有彼然而此不然者豈泰元媪釐氣有盛衰猶人有老壯耶環撫郡數百里有田可耕有井可鑿有山可採有水可漁物產雖微披其圖牒所以娛目悅耳果腹文身者亦差足也變而通之與民宜之又豈有今昔彼此之慨乎志物產

撫州府志

卷之十二

物產

周禮職方氏辨九州之國使同貫利南東曰揚州其利金錫竹箭其民二男五女其畜宜鳥獸其穀宜稻

史記貨殖傳衡山九江江南豫章長沙是南楚也其俗大類西楚江南卑濕多竹木豫章出黃金然董董物土所有取之不足以更費

唐寶曆間金谿未縣屬臨川曰上幕鎮鎮東二里白面塢與銀山金窟山並產銀遂置爐冶後鑛脉絕場吏以額虧獲罪吏二女不勝痛投爐而死事聞額除

詳見列女傳

宋慶曆五年郡守王周於城西戰坪得金山子獻于朝遂

置場于其地穿井千數無所得尋廢

戰坪卽瀑灘

朱乾道間郡城東一百二十里東山產鐵置東山鐵場其  
爐凡四曰羅首坪曰小漿曰赤岸曰金峯每歲額共趨  
辦鍋鐵二十四萬二千四十六觔解往饒州安仁縣轉  
發信州鉛山縣浸銅冶鑄後供無額廢

宋乾道間城西銅山產銅後無額廢

元大德間樂安縣二十都小槽邨產銀初以稅戶充夫以  
所得銀當其租入初若甚便未幾鑛竭遂浮辦於夫而  
民病矣元至正初明洪武永樂間兩經踏勘罷其額

撫州府志

卷之十二

物產

二

稻之屬有大占有細占有目不一其先占城種春社日前  
後浸種立夏前後蒔秧至秋而熟有一種最早熟者名  
五十日占田家種以續食占之外有晚稻穀大於占田  
宜隰至冬乃熟稻之黏者曰秣俗謂之糯有早糯有晚  
糯名目亦不一並堪釀酒製醯麩間用之

稷之屬有黍有稷有稌黍稷同類俱謂之黃米而黍差大  
北方以爲恒食江南皆少種惟東鄉接壤安仁則間有  
之其白者謂之梁江南絕無今丁祭雖有梁而實不備  
莖大而高丈許者俗謂之薯黍多樹之圃畦之疆

麥之屬有大麥詩謂之來有小麥詩謂之牟之麥秋下種  
冬出土春始秀至夏而熟凡歷四時故麥爲五穀之貴  
然地氣下濕麥不逮北方亦不爲恒食又有蕎麥味甘  
滑性寒別爲一種

菽之屬有黃豆有春豆有黑豆有花豆有豌豆有赤豆有  
菜豆諸豆惟黃豆刈禾後種諸田間春豆多取山地種  
之

蔬之屬有薑有芋有藷有芥多莧多菘有藟有蔥有蒜多  
瓜多瓠有蕈多韭多茄有白菜有萵苣有芫荽有川芎

撫州府志

卷之十二

物產

三

有蓴菜有苧蒿有蒼蘧有婆菱有木耳有苦蕒有萊菔  
有豆角有羊眼豆薑之種宜隰覆以棚夏至後貨者謂  
之母薑霜降後貨者謂之子薑芋名土芝俗謂之蹲鴟  
其大名芋魁翟方進傳飯雜豆食羹芋魁野生者殺人  
藷有掌藷有紫藷亦名山藥韭禮謂之豐本蔥有水晶  
蔥有水蔥五葷之一藟之葉如蔥根圓大過之蒜有分  
瓣有獨頭者瓜有數種最早熟者曰黃瓜然非月令之  
王瓜也月令王瓜生指今北方四月野生田間離離而  
不可食者似黃瓜而色白曰白瓜皮青而長尺餘鱗然

而角曰筍瓜青如筍瓜而子黑多瓢曰絲瓜謂之紡線亦以其瓢類線云厚瓢而子有紅黑其先西域種也曰西瓜比西瓜而長大曰東瓜小而瓜實在地曰土瓜惟崇樂宜黃有之西瓜出臨川丁家洲金谿疎山等處者勝萊菔一名蘿蔔有赤白二種赤者小於白而香味過之藟一名茵俗謂之菰有五色山氣蒸而生下有分瓣鮮美可食無瓣者食之殺人中其毒攪地漿飲之可解木耳間有之芫荽川芎蒿苣菊菜苧蒿婆菘種者少獨菘與芥作鹽齏脆美烝過暴乾可久詩所謂我有旨畜

撫州府志

卷之十二

物產

四

亦以御冬

果之屬有梅有梨有栗有柿有桃有李有棗有橘多柑多菱有芡有蓮實有甘蔗有枇杷有梧桐有銀杏有楊梅有櫻桃有石榴有葡萄有山查有鳧茨有苦株有甜株有楮子有茆栗

藥之屬有黃精有菖蒲有何首烏多益母草多莎根一曰香附子有天南星有半夏有麥門冬多黃梔子有粉葛有菊花有茱萸有生地黃有商陸有桑白皮有骨碎補多紫蘓有薄荷有橘皮有枳殼多澹竹葉有土烏藥多

重前子有蒼耳多穀精草有土茯苓多香薷有草烏有  
大薊小薊有五倍子有五加皮有紫稍花有土常山有  
扁豆有澤蘭有草麻有百合有枸杞有瓜蒌有紅花有  
金銀花博物志云大陽之草名曰黃精餌之可以長生  
菖蒲一名昌陽生石上九節者佳與黃精皆爲仙藥何  
首烏一名夜交藤益母草方書謂之充蔚子商陸易謂  
之莧陸車前子詩謂之芣苢骨碎補附木生俗謂之胡  
孫薑桑根白皮出土者殺人枸杞根爲地骨皮與甘菊  
花皆益人

撫州府志

卷之十二

物產

五

草之屬有苧有菝多莎有萍有芝有蘭多蓼多萱多蕨多  
蒿有艾有萹稗有馬鞭有鴨舌有紫草苧可縮酒書謂  
之菁苧詩謂之白苧唐開元十二年有上封事者言撫  
州三春苧可用祭祀宋太平興國中祀泰山亦下撫州  
採之菝出湖陂中人呼爲菱草春生筍謂之菝菜秋結  
實謂之雕胡米杜子美曰秋菝生黑米莎之根卽香附  
離騷云青莎雜樹繁草薤靡晏元獻亦有庭莎記萍水  
草爾雅謂之苹其大曰蘋小曰藻芝蘭間有之萱一名  
鹿蔥花名宜男又名忘憂草蕨之根可粉凶年人採以

食艾可灸蒿亦艾之類蕘稗生五穀中謂之麥馬鞭  
舌生水中紫草唯樂安產然亦不逮湘中者

木之屬多松有栢有冬青有杉有樟多楓有桐有桑有栢  
有槐有檀有柞多柳多烏桕有楮有椿有檉有櫟有櫟  
有榆有榛有櫟欄有黃楊冬青一名蠟樹又名萬年枝  
唐宋來禁中多植之詩曰月華承露掌風動萬年枝

竹之屬有貓頭有箭箨有篔簹有慈竹有紫竹有斑竹有  
白竹有黃竹有實竹有桃竹有淡竹有金竹有苦竹有  
箨竹有觀音竹貓頭產崇仁宜黃箭箨惟宜黃有之其

撫州府志

卷之十二

物產

六

笋均美慈竹則樂侍郎所賦之篔簹也

花之屬曰玉茗曰碧蓮曰辛葵曰躑躅曰山礬曰木樨曰  
薔薇曰茉莉曰瑞香曰合歡曰月桂曰醪醑曰芍藥曰  
並頭蓮曰葵曰菊曰芙蓉曰鷄冠曰梔子曰海棠曰金  
鳳曰水仙曰紫荊曰玉簪曰剪春羅曰夾竹桃曰夜落  
金錢曰牡丹宋時郡東院產白山茶一株號玉茗郡守  
崔仁冀有賦黃山谷庭堅謝竹友邁曾南豐鞏和之後  
家太守坤翁相繼有作謂古樹奇花天下止此一株在  
揚州瓊花之上而今亡矣碧蓮亦宋時產於臨川縣尉

廳者最勝畫工目爲撫蓮辛葵躑躅俱載荆公詩集中  
山礬高可數尺春時開小白花香氣清甚王荆公以其  
白名之曰瑒花黃山谷以其葉可染名之曰山礬後人  
駁之曰易瑒山礬總未佳要須博物似張華因觀異代  
前賢帖知是唐昌玉蘂花今觀王建題唐昌觀玉蘂詩  
云一樹瓏璵玉刻成飄廊黠地色輕輕女冠夜覓香來  
處唯見堦前碎月明乃知唐昌唯一株故詩人極其形  
容今山山有之誰爲賞音宋人寶燕石而海人等龍蝦  
事固有相類者可發一咲木樨一名桂有丹黃二種然

丹者少合歡朝開暮合又名合昏崔豹古今註云欲忘  
人之憂則贈以丹棘丹棘一名忘憂欲蠲人之忿則贈  
以青裳青裳一名合歡古人贈別又用芍藥以芍藥一  
名何離與此正同瑞香有金邊粉口茉莉有單台雙台  
單台者名素馨其香亦可入茗山茶含胎一年始開又  
有寶株茶梔子花重瓣名玉樓春芙蓉又名拒霜蓮有  
並頭千葉九子並頭者勝竹葉而桃花名夾竹桃月桂  
每月一開玉簪鷄冠各以其象爲名若菊若牡丹譜之  
者至有數十百種郡中顧特少云

畜之屬曰牛曰馬曰騾曰驢曰豕曰犬曰鷄曰猫曰  
鴨

禽之屬有鵲有鷹有隼有雉有鸛有鶉有鴿多鴉多鳩多  
雀有倉庚有鵲鴿有睢鳩有鶯鴛有鷓鴣有杜鵑多鷺  
絲有畫眉有百舌有布谷有翡翠有鸛鷺有鸚鵡有鸚  
鵡有啄木多練雀有竹鷄有姑惡有錦鷄有白鷓鴣鳴  
則人喜故名喜鵲鷹鷺鳥古人田獵用之隼尤剽疾俗  
謂之鷄雉雄者具五色其曰野鷄沿漢呂后諱也鸛之  
大類鶴而少丹頂鶉與鴿皆可畜鶉善鬪至以比鬪鷄

撫州府志

卷之十二

物產

八

鴉有寒鴉慈鴉烏鴉鳩知陰晴天將陰則逐其婦晴則  
呼之故人以鳩聲卜雨雀小而多與燕皆棲人屋梁倉  
庚一名鶯又謂之黃鸝又謂之黃栗留相與和鳴鸛鴿  
行搖飛鳴有急難之義睢鳩擊而有別故詩以倉庚喻  
友鸛鴿喻兄弟睢鳩喻夫婦鷓鴣之聲鉤輶格磔俗謂  
之山鷓杜鵑卽杜宇又名子規本蜀鳥杜子美所感而  
拜者鷺絲純白頂上有絲毳毳然畫眉小鳥兒童所珍  
籠而置之百舌卽反舌月令五月反舌無聲布穀田間  
催耕之鳥翡翠鸛鷺鸚鵡皆善取魚而鸛鷺可馴今魚



家往往畜之鸚鵡俗謂之八哥鸚鵡不踰濟故春秋書鸚鵡來巢魯舊無鸚鵡也啄木長喙取蠹能畫符以出木楔猶鶴禹步禁蛇禽鳥之智有人不及者練雀羣飛竹鷄呼泥滑滑與姑惡皆聒人錦鷄白鷓惟金谿雲林厓山間有之然亦不易得鵲惡鳥一名鵲鷓賈誼謂之鵬夜入人家鳴則不祥周禮誓簇氏掌覆天鳥之巢庭氏又以救日之弓救月之弓射之則不特今人惡之矣獸之屬有虎有豹多麀有麂有兔有鹿有山羊有豪豬多狐多獺有猴有竹鼯有牛尾狸虎猛獸凡夜行以一目

眎一目放光獵人候而射之其光應弦墮地得之者如白石有骨如乙在兩脇傍帶之令人有威又每行能以爪畫地觀奇偶以卜今人效之者亦謂之虎卜豹如虎而趨捷過之有佞豹赤豹金錢豹豹性廉有所程度以食故字從勺尾最貴故車駕鹵簿之後有豹尾麀有牙而不能噬猶鹿有角而不能觸鹿亦麀之類鹿之大爲麀山海經曰女儿之山其獸多麀麀與麀人取其皮作履材殊勝顧其獸好鬪其皮亦多鬪痕兔生子口吐而生妊婦忌食之鹿有茸有血有峻餌之可以輔羸山羊

爾雅謂之獬羊至死不可牢畜豪豬周身皆刺其刺能  
跳入虎耳中而見鵲便自仰臥受啄物各有制不可以  
恒理測如此狐穴處死則印首其久者善爲魅以媚人  
故曰狐媚獺近狐而小水居食魚王制獺祭魚然後漁  
人入澤梁猴無脾以行消食類人形亦能爲人立優人  
擾之爲戲竹颺藏入根中嚙竹萌而食杜詩所謂笋根  
稚子無人見者與牛尾狸其味皆腴出雲林厓山深谷  
中

鱗之屬曰鯉曰鱖曰鱣曰鮪曰鰻曰烏魚曰鮒曰鮎曰鱮

撫州府志

卷之十二

物產

十

曰鱣曰鰻鯉于魚族中最貴無論大小每路皆三十六  
鱗各有小黑點能于雨中飛躍變化故陶朱公養鯉  
必用鼈以鎮之謂之神守其赤色者人謂之金鯉鱮鱣  
鮪人池沼中所養歲取之九江魚苗川港希有之鰻多  
斑點烏魚純黑色鯽腹大體短諸魚皆屬火唯鯽屬土  
故丹溪朱彥修謂其屬陽明而有調胃實腸之功鮎大  
首方口背青黑無鱗多涎詩謂之鯪圖經謂之鯪鮪似  
鮎而小生濁水洿泥中鱣似鱮而稍大俗謂之黃鱣若  
鰻則纖纖細矣本草云鰻無鬚不可食

介之屬曰龜曰鼈曰螺曰蝻曰鮫鯉龜背甲如畫卦文能  
伏氣導引有老人用龜楮牀老人死而龜活如故滿干  
年則遊於蓮葉之上故龜爲四靈之一鼈如龜而背無  
畫文俗謂之團魚又謂之水鷄性暖益人其三足者爲  
能不可食螺生沼中爲青螺生田中爲田螺蝻一名蚌  
然無孕珠者鮫鯉日中登岸開鱗甲如死狀蟻聞其羶  
羣趨之蟻滿便閉其鱗甲而下水蟻皆浮出因接而食  
之俗謂之穿山甲入藥用

蟲之屬有蠶有蛾有蝸有蟬多蝙蝠多蚓有蛇有蜈蚣有

蜥蜴多蝨有螺贏多蝸有蟾蜍有蝌蚪有螢有螻蛄有  
斯螽莎鷄蟋蟀多蝶多蟬有伊威有蠨蛸多蜘蛛有斑  
貓有水蛭有尺蠖有蠨蟻有百足蟲蠶之功衣被天下  
而郡中養蠶者少蛾則蛹之所化夜飛善撲燈火謂之  
燈蛾蝸有二角觸之卽縮蟬卽壁魚生衣服及書籍中  
又謂之蠹蝙蝠蝮其糞名夜明砂蚓居土中善吟江東  
謂之歌女蛇與蜈蚣皆能傷人而蜈蚣顧能殺蛇蜈蚣  
者卽且也逐蛇蛇輒張口蜈蚣入則吮其髓故莊子曰  
卽且甘帶蜥蜴蝮蛭守宮一物而三名東方朔曰以爲

龍又無角以爲蛇又有足跂跂脈脈善緣壁若非守宮  
卽蜥蜴蜂善螫其毒在尾惟蜜蠶能煉蜜人以木櫃棲  
之果羸名蒲盧又名蠓螭蜂之細腰者善入筠管中負  
桑蟲祝之封以泥七日而化爲巳子蠋一名蝦蟆立夏  
後鳴聲不絕故周禮蠋氏焚牡鞠以其風被之則水蟲  
無聲其蝦蟇身有疥磊腹大行遲者謂之蟾蜍其初生  
爲蝌蚪蟻螂能轉丸螢夜出有光詩謂之熠燿斯螽俗  
呼蚱蜢能以股相切作聲莎鷄蟋蟀皆斯螽所變蜻蜒  
六足四翅與蟬皆吸風飲露無求于世仕者之冠翼象

撫州府志

卷之十二

物產

十二

之有勸廉之義蝶翅有粉觸之則落莊子曰鳥足之根  
爲蟻螯其葉爲蝴蝶蚱蜢蠓蝟空室有之蜘蛛結網如  
罾觸其網而後取有誅不義之象故曰蜘蛛斑貓生豆  
花叢中水蛭俗謂之馬螞楚王吞之而宿疾皆愈與叔  
敖埋蛇宋郊渡蟻事正相類尺蠖屈以求信蠨蠸一名  
醯鷄百足蟲所謂至死不僵者其蟲大于蠨蠸尺蠖  
貨之屬有紬有苧布有水綿布有葛布有江清紙有火紙  
有牛古帟有石炭紬則閑民而綿抽絲以織六縣間有  
之苧布緝苧麻爲之有扁生有圓線與清江紙俱出金

谿水綿布紡木綿花爲之聚萬石塘出東鄉葛布與火  
紙牛舌紙俱出崇宜宋人墨刻以用撫州押紙者爲貴  
今絕無矣石炭出臨川北鄉之王家洲崇仁之七寶石